



ՃԱՇԻՆ՝ ՔՅԱԲԱԲ

«Այդ ի՞նչ տարօրինակ բան ես ուտում»:

Կատրինա Մակփերթերս
(Հիմնված է իրական պատմության վրա)

Այս պատմությունը տեղի է ունեցել ԱՄՆ-ում:

Ռոյը նստեց սեղանի մոտ և բացեց իր ճաշի պայուսակը: Նրա ընտանիքը նոր էր տեղափոխվել, և սա նրա առաջին օրն էր իր նոր դպրոցում: Նրա մայրը պատրաստել էր իր սիրած հայկական ուտեստը՝ քյաբաբ: Նա մեծ ախորժակով պատրաստվում էր ուտել այն:

Ռոյը բացեց թղթով փաթաթած քյաբաբը: Այն նման էր երկար, բարակ կոլոլակի: Նա շատ էր սիրում մսին ավելացված համեմունքների բույրը: Իսկ մեջտեղի

անցքը փոքրիկ սուլիչ էր հիշեցնում: Նա մոտեցրեց շրթունքները և փչեց: Ապա նա կծեց: Համե՛ղ էր:

«Հե՛յ», - կանչեց սեղանի մյուս կողմում նստած մի տղա: «Այդ ի՞նչ տարօրինակ բան ես ուտում»:

Ռոյը զգաց, որ կարմրեց: «Սա իմ լանչն է»:

«Լա՛վ, բայց դա այդքան էլ լավ տեսք չունի»: Տղան ծիծաղեց:

Ռոյը չգիտեր՝ ինչ ասել: Նա չգիտեր, որ այստեղ ուրիշ ոչ մեկը քյաբաբ չէր կերել: Նա չէր ցանկանում, որ նրանք կարծեին, թե ինքը տարօրինակ էր: Ուստի, նա մի կողմ դրեց իր ճաշը և դուրս վազեց

ընդմիջման: Դպրոցից հետո Ռոյը գտավ մայրիկին արկղերը բացելիս:

«Ես այլևս չեմ ուզում քյաբաբ դպրոց տանել», - ասաց Ռոյը:

«Ինչո՞ւ», - հարցրեց մայրիկը: «Դա քո սիրած ուտեստն է»:

Ռոյը պատմեց նրան դպրոցում պատահածը: «Ես շատ անաչեցի»:

«Ցավում եմ, որ նման բան է կատարվել», - ասաց մայրիկը:

«Շատերն այստեղ երբեք քյաբաբ չեն կերել: Ի՞նչ կլիներ, եթե մենք երեխաներին փորձելու հնարավորություն տայինք»:

«Ինչո՞ւ», - հարցրեց Ռոյը: «Նրանք չեն ուտի»:

«Դե, չես կարող իմանալ, մինչև չհարցնես: Գիտեմ՝ դժվար է գտնել նոր ընկերներ: Բայց մենք բոլորս Աստծո զավակներն ենք: Երբեմն մենք պետք է պարզապես ավելի լավ ճանաչենք միմյանց»:

Ռոյը մտածեց այդ մասին: Նա չէր ուզում, որ ծիծաղեն իր վրա: Բայց նա ուզում էր երեխաներին ճաշի ժամանակ ավելի լավ հնարավորություն տալ հասկանալու: Եվ քյաբաբն իսկապես համեղ էր:

Նա գլխով արեց: «Լավ: Արի շատ պատրաստենք»:

Հաջորդ օրը լանչի ժամին նա խորը շունչ քաշեց: Նա նստեց իր վրա ծիծաղող տղայի կողքին:

Ռոյը բացեց ճաշի իր պայուսակը: «Ձեզանից որևէ մեկը կցանկանա՞ փորձել հայկական ուտեստ»:

Երեխաները հավաքվեցին Ռոյի քյաբաբի շուրջը:

«Ես կփորձեմ մի փոքր», - ասաց տղան:

«Ես նույնպես», - ասաց մի աղջիկ: Ռոյը հերթով փոխանցեց քյաբաբը, որպեսզի բոլորը կարողանային փորձել: Ապա բոլորը մի փոքր փորձեցին:

«Սա շատ համեղ է», - ասաց տղան: «Ինչպե՞ս է այն կոչվում»:

«Քյաբաբ», - ասաց Ռոյը:

«Հոյակա՞պ է»: Տղան ժպտաց: «Ես Ջոնն եմ: Ցանկանո՞ւմ ես խաղալ դասամիջոցին»:

Ռոյը միայն կարողացավ գլխով անել լիքը բերանով: Նրա մայրը ճիշտ էր. նրանք բոլորը նույնպես Աստծո զավակներն են: Ի վերջո, կիսվելն օգնեց նրան ընկերներ ձեռք բերել: ●

ՊԱՏՐԱՍՏԵՔ ԶԵՐ ՔՅԱԲԱԲԸ ԵՎ ԿԻՍՎԵՔ:

Իսառնեք **1 ֆունտ (0,5 կգ) ոչխարի կամ հորթի աղացած միսը, 1 սոխ** (կտրատած), **1/4 բաժակ բլդուր կամ հացի փշրանքներ, 2 պճեղ սխտոր** (աղացած), և **մեկական թեյի գդալ բնուն, աղացած համեմ, կարմիր պղպեղ, դարչին և աղ:**

Իսառնուրդը շարեք շամփուրների վրա: (Եթե օգտագործում եք փայտե ձողիկներ, ապա դրանք նախապես 30 րոպե թրջեք ջրի մեջ:) Պատրաստեք 350°F (180°C) 20 րոպե, մինչև միադ ամբողջությամբ եփվի:

